

الثور والساقية

هفضل زي التور في الساقية مربوط
عينية متغمية داير تحت شجرة توت
لو راسي لفت الاقي ميت نبوت
تحتي بتجري الميه وانا عطشان هموت
الصبح زي المسا ويسوقني واد هلفوت
تيجي ساعة العشا ابات في القيد منكوت
اشوف الليل وجع مستني لما يفوت
يعني نهاري دلع وآخرها جاي الموت
وجايز اما اندبح هياكلني ميت سفروت
اجعر وصوتي فزع والوضع مش مضبوط
يجي الحمار بسؤال ويقولني ليه مربوط
اسكت ما هو اصل الرد هيزعل المشموط

لما الحمار مفكوك والكلب صار مفلوت
التور يبات متغمي واللف غصب عني
يبقي خلاص هنموت
هفضل الف سواقي مطايطي الراس منكوت
الاكل غصب عني والميه ممنوعه عني
ولو صرخت بوجع اوبكيت م الجوع
واشكي يقولوا حقك و ده نظام محطوط